

168 789



QUÆSTIO MEDICA

QUOD LIBETARIIS DISPUTATIONIBUS

MANE DISCUTIENDA

IN SCHOLIS MEDICORUM,

Die Jovis 31. Decembris.

M. HERMANNO DE LAUNAY
DOCTORE MEDICO, PRÆSIDE.

An Arthritide laborantibus Opium?

I.

FOE LICEM admodum vitam natura nobis non promisit, quæ primum nascentium omen sterum esse voluit. Hoc principio edimur: huic omnis sequentium annorum ordo consentit. Innumeri prope morbi, quibus obnoxia est, tranquillitatem ejus interturbant, ex ipsaque tandem aliquando discedendum esse admonent. Hos inter Arthritis, quos semel invasit, sævissime cruciat. Acerbissimus est articulorum dolor ex interval-
lis invadens. Qualibet anni tempestate corripit securum. Sæpius vere & autumnno furit. Nusquam articulos omnes simul occupat. Modo plures, modo unum, deinde alterum successive obsidet, quemque uno pede liberum dimisit, ex improviso sæpe altero retinet. Si manuum articulos infestet; chiragra. Si pedum; podagra. Si coxendicum; ischias appellatur. Quandoque timore, rubore, calore conspicua est; quandoque dolore solo se prodit. A parentibus una cum vitâ sæpe transmittitur in liberos, in iisque semen ipsius diulatit & obdormiscit, donec ab alijs causis vis ejus exsuscitetur. Non rarò sine parentum labe, vini venerisq; abusu contrahitur rarius infantes sponte divexat. Viros post veneris usum frequentius adoritur, mulieribus eunuchis & impuberibus pueris aliquando non par-
cit. Ejus signa omnibus manifeste parent. antecedens causa tenebris involuitur, quam in parte fermentum lareat tuto non decernes, nec si lynceos oculos habeas, agendi modum retegges. nos proximam continentemque causam cum Hippocrate statuimus pituitam & bilem.

UBI primum pituita tenuis & acida in articulos defluxit, eamve sanguis quem infestat, ephemera febris salutari motu in eisdem deposuit; si sincera solaque fuerit neque tumorem parit, neque calorem aut ruborem inducit; dolorem tantummodo pro ratione aciditatis maiorem vel minorem infert: si pituitæ crassæ & insipidæ permisceatur, viribus ejus obtusis, partis affectæ motum impedit cum dolore obscuro. Si tenui & volatili bili accedat, juxta naturæ necessitatem statim effervesceat, eoque effervescentiæ motu partes in tumorem attollit, ruborem accersit, calorem accendit, suisque & subtilissimæ bilis aculeis atrocissimum dolorem excitat, atque nisi exinde una cum bile tora per transpirationem avolet, defervescendo nativum gluten articulos lubricans inquinat ipsumque juxta acidorum naturam cogit & sensum induratur. Hinc in ipsis tophacei nodi, hinc eorum distortio, hinc impeditior motus. Quamdiu acidus iste liquor statimaturque genitus est propellitur in articulos, nihil lethale metuendum: sin vero in sanguine remanserit hospes, aut vasis quibus exonerabatur obstructis, aut visceribus ætate languidis ac tandem fatiscente naturâ, fiatque ad partes superas putâ pulmonem aut cerebrum anadrome; etsi prompte succurratur certa mors ut plurimum expectanda. Levi quaque morâ totam ejus molem acore suo inficit; hinc hepatis, pulmonum cerebri aliorumve viscerum in quibus decubuerit corruptela, tandemque hominis non diu protrahæus interitus. Ideo nocent Arthriticis spiritus vitrioli, sulphuris nitri, herbæ acidæ, acidi fructus, vina alba, acidula, parum spiritus, multum aceti continentia. Uno verbo acida. Nocent exterius emplastica omnia quæ transpirationem impediunt, juvant contra quæcunque cutem facile permeando, effusum in articulis liquorem acidum combunt ac destruant. Caphura, quæ fere tota sal est volatile, in aqua stillatitia spermatis ranarum dissoluta fortique sæpius adhibita eo consilio mire prodest. Juvant interius quæcunque succi illius acidi generationem prohibent aut genitum emendant ac extinguunt. Hinc salia volatilia ab animalibus deprompta proficiunt, hinc plantæ quoque utiles sale volatili præsertimque oleo abundantes atque adeo Opium præ cæteris omnibus, promptissime auxiliatur.

I I I.

OPIUM succus est viscosus è papaveris sativi inciso capite guttatum stillans, brevique concreescens. Thebaicum ab authoribus præferitur ob soli conditionem aut singularem incolarum industriam. Optimum censetur ponderosum & densum, gustu amarum & acre, linguam mordicans fereque inflammans, odore gravi & soporifero, quod dum colatur nec ceræ instar coeat, nec ad solem liquetur. Nec accensum atrâ luceat flammâ, extinctum denique integrum servet odorem. His dotibus legitimum apud nos vix reperitur, cujus in locum advehitur meconium sive succus è contusis papaveris capitibus & foliis expressus opio virtute inferior. Qualecunque sit non est medicamentum frigidum sed impense calidum. Orientis incolæ, Turcæ præsertim & Persæ qui illud ad drachmam usque

& amplius pluries sine noxâ quâque die devorant, ipsum nullius veneni reum esse satis ostendunt. Intempestive aut largiori dosi exhibitum nocet, sicut & quævis alia quantumvis optima. Ubi prudentis medici manu præscribitur eximiunt est medicamentum. Quamquam odore saporeque ingratum sit, sine tamen ulla odoratus gustulve offensione deglutitur. Seinel intus assumptum nullam vim molestiamve infert. Placidissimam quietem vitæ conservandæ adeo necessariam conciliat, ut inde alacrior animus vegetiusque corpus reddatur. Quinet copiosum sudorem sine virium exolutione prolicat. Imò quod nulli fere alteri concessum est, tum acidæ tenuisque pituitæ sanguinem & corpus inficientis aculeos obtundit; tum bilis iustò plus amaræ acrimoniam infringit & lenit; tum utriusque simul permixtæ effervescentiam mire compefcit.

I V.

O PII eximie vires à sale volatili, oleoque nobili hypnotico ac spiritus instaurante, quibus abundat, procedunt. Salis copiam patefacit insignis cum acrimoniam quâdam amaror; hypnoticum oleum demonstrat pinguedo flammam concipiens cum odore gravi somnum provocante. Qui ipsum diligenter torrent, donec tætrum ut aiunt vaporem deposuerit, dein aceto acerrimo solvunt, plurimum laboris impendunt, ut quod optimum habet, destruant. Quo curiosius hac arte præparatur, eo deterius est usibusque quibus destinatur minus idoneum. Dum torretur, sal volatilius subtiliusque oleum avolant: quod reliquum est aceti spiritu acido infringitur. Qui Moschum, Ambram, quintam essentiam auri, gemmas, Margaritas, Besoard, unicornu, corallus, mumiam transmarinam, os de corde cervi, crocum, olea caryophyllorum, cinnamomi, cæteraque id genus sive cardiaca, sive aromatica, quæ correctiva audiunt, admiscunt, fucum faciunt & imposturam. Si lachryma opij sincera qualis sponte è papaveris incisio capite stillat, præ manibus haberetur, nulla præparatione opus esset; meconium quo utimur, quoniam facibus inquinatum, purgandum est. Primo aquâ tandiu solvendum, donec nihil quidquam amplius tincturæ eliciatur; dein residuo quod aqua respuit, affundendus spiritus vini quantum satis. Alterâ hac solutione peractâ ambæ tincturæ miscendæ sunt, atque secundum artem ad debitam consistentiam redigendæ. Istâ methodo quidquid est in meconio laudabile, extrahitur & à sordibus secernitur. Quæ pars copiosiori sale referta est, aquâ solvitur: quæ oleo magis abundat spiritu vini diluitur. Illa genitum in corpore nostro spiritum succumve acidum interimit & foras ejicit, ista bilis acrimoniam promptè obtundit, ejusque effervescentiam acido excitatam feliciter coërcet.

V.

I TAQUE Arthritidi præmissis generalibus præsidiiis feliciter opitatur Opium, dum vires vigiliis fatigatas provocato somno recreat, spiritus dissipatos colligit, dolores, quibus indefinenter cruciatur, jucundissime sedat. Neque Arthritidi solum, sed & innumetis aliis morbis eadem virtute medela est. Præsens est ac certum auxilium dentum doloribus, colicis cruciatibus, dysentericæ, alui profluvii ab humorum acri-

monia nascentibus. Sanguinem è naribus, pulmone, ventriculo, uterove immodice fluentem sistit, februm ardores extinguit, mamiam phrenitim, cæterosque congeneres affectus reprimat. Verbo dicam morbis omnibus si-
ve ab acidâ pituitâ, siue ab acri bile, siue ab utriusque effervescentiâ pro-
ductis interdum auxiliatur. Ad grani unius quantitatem exhibitum, si
sperato cadat effectu, duo triave immo plura addantur, quæ si sensim &
per gradus adaugeatur, extra aleam omnem res erit constituta. Sapientis
tamen medici manu, qui & ægri temperiem attentè observet & medica-
menti naturam perfectè cognoscat, semper exhibeatur. Non offeratur sta-
tim à cibo, sed duabus saltè horis post pactum, alvo prius clystere so-
luta, si fuerit adstrictior. Ab eo prorsus caveatur in iis quibus per som-
num periculum suffocationis imminet, multoque magis in quibus vitalis
ignis tenue & extremum vitæ lumen spargere iudicatur; ne imprudentiâ
medici infametur nobile præsidium quod tam multis potest esse saluti. Et
vero non quia solummodo anodynum est, sensumque flallit, Arthritidi pro-
dest, sed quod doloris etiam Arthritici causam submovet, dum acidi li-
quoris, amaræque bilis pungentes aculeos obtundit, effervescentiam inde
excitatum compescit, hosque ipsos humores Arthritim committentes pro-
vocato sudore plane exhaurit & extra corpus ejicit.

Ergo Arthritide laborantibus Opium.

DOMINI DOCTORES DISPUTATURI.

<i>M. Claudius de Frades.</i>	<i>M. Nicolaus Lienard.</i>	<i>M. Philip. Hard. de S. Jacques</i>
	<i>Chirurg. Professor.</i>	
<i>M. Ægidius le Bel.</i>	<i>M. Philippus Doute.</i>	<i>M. Claudius Quinquebèns.</i>
<i>M. Abrahamus Thewart.</i>	<i>M. Nicolaus Morin.</i>	<i>M. Franciscus Pijart, Antiquior</i>
		<i>magister.</i>

Proponebat Lutetiæ GUILLELMUS LAMY
Constantiensis, A. R. S. H. MDCLXXI.

PARISIIS,

Ex Typographiâ FRANCISCI MUGUET, Regis &
Illustrissimi Archiepiscopi Typographi, viâ Citharæ.